



**Eminentissimi Ac Reverendissimi Domini, D. Joannis
Baptistæ, Cardinalis De Luca, Theatrum Veritatis Et
Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Tractatus Primi Pars I. de Usuris, & interesse, Pars II. de Cambiis, Pars III.
de Censibus, Pars IV. de Societatibus Officiorum

**Luca, Giovanni Battista de
Coloniae Agrippinae, 1691**

Disc. XXXV. Papien. Pecuniaria. De transactione super usuris, An & quandò
attendatur in præjudicium ipsius transigentis; Et quid in præjudicium tertii,
puta secundi creditoris opponentis creditorí ...

[urn:nbn:de:hbz:466:1-74112](https://nbn-resolving.de/urn:nbn:de:hbz:466:1-74112)

Verum quando haec omnia deficerent, ita ut ad-
ministra esset etiam in isto calu dicta proposicio
super interpellatione ita indigetē firmata, non ta-
men jure causum est illam esse debere judicalem
& personalem, sed sufficit scientia quomodocum-
que habita, etiam per præsumptiones & verisimili-
tudines probata, ut bene in Pisaren. pecuniaria
coram Orthob. inter suas dec. 269. & clarius in ejus
confirmatoria 14. Iunii 1652. coram Celsō inter suas
dec. 152. ubi in §. necrefert, optimè advertitur, quod
aliud est scientiam esse præsumptam, aliud au-
rem scientiam veram probari præsumptionibus
& conjecturis, ideoque in dictis decisionibus firma-
tur sufficere citationes executas contra procurato-
rem vel institorem, ac etiam domi propter statutum
disponens, quod citationes fieri possint domi.

In nostra vero facti specie videatur esse in ter-
minus claris, quam in allegatis decisionibus
Pisaren. Tum quia ubi adeat obligatio Camer-
alis, de stylo pro illius executione sufficiunt cita-
tiones domi. Tum etiam ob illarum pluralitatem,
ob quam satis probabile est id devenisse ad ejus
notitiam; Clarius vero ac evidenter ob obligatio-
nem uxoris cum decreto judicis aliquis solemnis-
tatibus statutaris, ac stante lapsu temporis inter
relaxationem mandari ad instantiam creditoris &
contra dictum, de quo agitur; dum enim ipse
scivit non soluisse, arqua a creditore molestias pas-
sus non est, omnino dicendum est scivisse solutionem
factam per fidejussionem, potissimum in loco
parvo, in quo etiam minuta negotia habent spe-
ciem notorioris, & quilibet scit, quanta ova faciant gal-
linæ cujusque, unde propterea hujusmodi scientia
pro meo iudicio habere videbatur de indubita-
bili.

Ponderando etiam, quod ut liquet ex secunda
decisione coram Rojas inter suas dec. 88. num. 4. &
seq. obligatio uxoris fuit per viam transactionis,
quæ proinde supponit item præcedentem, qualiter
probabiliter credendum est intercessisse, pura quia
fidejussiones exequi vellent bona viri, & uxor execu-
tioni se opponeret, ideoque dicta circumstantia
videretur multum in proposito considerabilis, arqua
ita respondendum censi, incertamen est quid inde
sequuntur sit.

P A P I E N.
PECUNIARIA,
PRO
MARCO ANTONIO ME-
NOCHIO,
C U M
JOANNE BAPTISTA PETRA-
GRASSA.

Causa decisus per Rotā pro Petragrassa.

De transactione super usuris. An & quando atten-
datur in præjudicium ipsius transigentis; Et
quid in præjudicium tertii, pura secundi creditoris
opponentis creditorū anteriori extinc-
tionem debiti cum imputatione usurarum; Et aliqua
de interestē damni emergentis.

SUMMARIUM.

1. *Facti series.*
2. *Resolutio causa.*
3. *Uſura dotalis non debentur soluto matrimonio et-
iam si matrimonii relictæ superſtine.*
4. *Derequisitus interesse damni emergentis.*
5. *In materia uſurarum non attenduntur confessiones
partium.*
6. *Ubi uſura cantat in unam causam, non poſſunt re-
ferri ad aliam.*
7. *Admittuntur in generali dicta conclusiones, de qui-
bus numeris præcedentibus.*
8. *Confessio ubi est adminiculata attenditur etiam
in prohibitis confiteri, & in tertii præjudi-
cium.*
9. *Transactio quando afficiat tertios jure proprio &
independenter à transigente venientes, par-
ta fideicommissarium, feudatarium & fi-
miles.*
10. *De transactione super uſuris quando valeat & pra-
judicet etiam tertii, distinguuntur.*
11. *De differentia inter remissionem & transactionem
in hac materia.*
12. *Quonodo in hac materia confessioni deferendum
sit.*
13. *De conclusione de quatuor que declaratur.*
14. *Subdeclaratio huius declarationis.*
15. *Gesta cum debito prejudicant ejus creditoribus
vel fidei uſuribus.*
16. *Quando dicatur transactionis initia bona fide.*
17. *Ad regulandam transactionem attendendum est
tempus, & loca in quibus initia est.*
18. *Interpellatio pro interesse damni emergentis etiam
præsumpta seu adminiculativa sufficit.*

DISC. XXXV.

Contracto matrimonio de anno 1633, in-
ter Jacobum Franciscum Menochium &
Placidam de Bencis cum dote per
dictæ Placidiae fratres constituta in li-
bris 30. m. Imperialibus, tunc solutio-
nem in rata librarum 12. m. pro reliquis verò 18. m. di-
lata solutione ad sexennium, cum conventione
fructuum ad quinque pro centenario. Atque
illinc ad biennium dissoluto matrimonio per
mortem mulieris, superstibus filiis, De anno
1641. cum narrativa quod dotantes pluries ac plu-
ries à Menochio interpellati fuissent ad solutio-
nem dicti residui, agnoscentes se fructuum seu
intersuorum debitores, illi dederunt in solutum
quosdam effectus; De anno verò 1657. inter præ-
fatas partes exortæ fuerunt judiciales controversiæ,
quoniam Menochio petenti dictum residuum do-
tis una cum fructibus seu intersuoriis usque tunc de-
cursis & non solutis, opponebant dotantes de
præfatis debiti exactione cum usuris post disso-
lutum matrimonium soluti de jure in formam
impurandis. Unde vigore statui deuentum est ad
necessarium compromissum in duos Jurisconsul-
tos, coram quibus per trienium causa disputata,
ex eorum consilio, inter dictos dotantes ac Mar-
cum Antonium Menochium præfati Jocobi Fran-
cisci interim defuncti hæredem deuentum est ad
transactionem, per quam creditor debitöribus re-
misit partem sortis redactæ ad libras 15. m. ac et-
iam remisit notabilem partem fructuum seu in-
tersuorum, quadam parte promissa, & pro quibus
omnibus debitores in se accollartunt quemdam cen-
sum.

sum, quo dicti Menochii hæreditas gravata erat; Quibus sequuis, cum in bovis dotantum efformatus esset concursus creditorum, inter quos Menochius, defumendo hypothecam à dicto anno 1633, primum locum occupabat, Joannes Baptista Petragrassæ secundus creditor, excipiebat de dicti prioris debiti extinctione usuris solutis, sed ad favorem Menochii prodit in prima instantia sententia Ordinarii Papien. in gradu appellationis confirmata per A. C. Introductaque per appellationem *causa in Rota coram Priolo*, dato que dubio, *An & de eius credito confert ad effectum prælacionis*, sub die 2. Martii 1668. prodidi resolutione Petragrassæ secundo creditori favorabilis, constare scilicet de ejus credito ex consimili constitutione dotis resultante, quod per hanc partem non controvertebatur, Illud vero Menochii esse extictum cum fructibus seu intersuriis dotalibus exactis post dissolutum matrimonium, ex quo tempore, juxta opinionem, in qua residet Rota & Curia Romana, cessante ratione suppurationis onerum matrimonialium cui innixa est dispositio *textus in cap. salubriter de usuris*, atque refoluro titulo dotis in purum creditum pecuniarium nulli fructus vel intersuria debentur, etiam si matrimonii reliquia supersint, non concurrentibus legitimis requisitis interesse lucri celsantis vel damni emergentis in quocumque debito indifferenti necessariis, ex deductis per Gratian *discept. 47.* Adden ad *Gregor. decisi. 573. num. 17.* Rota *decisi. 91.* post *Fenzon. ad Iustitia decisi. 94.* post *Martin. de pignor. Romana fructuum dotis 21. Aprilis 1651.* *Cerro, & 15. Ianuarii 1652.* Bichio, quartum secunda est impressa post *Zuff. de legit. process. decisi. 4.* *Romana fructuum 16. Ianuarii 1660.* & 14. Febr. 1661. *Bevilagna*, quarum prima est post eundem *Zuff. dec. 46.* & habetur frequenter in sua materia *sub tit. de dote.*

Ad motivum verò ex hac parte deductum, quod constaret de interesse damni emergentis ob moram debitorum per creditorem ab initio passo ex censu passivo, quo in eadem summa in sorte, & ad eamdem rationem in fructibus pressus fuit, cum dicta pecunia alias extinguendo, responsum fuit, quod juxta opinionem, quam rejecta sententia, quæ tribuitur *Ruin. conf. 104. lib. 4.* sequitur Rota & Curia juxta *decisionem Moped. 2. de usuris*, non sufficit docere de tali interesse passo in genere, nisi constet per protestationem ac interpellationem de declaratione animi creditoris convertendi debitum pecuniam in illius debiti extinctionem, ita ut debitoris mora fuerit causa præcisa & immediata damni, juxta ea quæ super hac conclusione habentur pluries in præcedentibus deducta *hoc titulo*, prefertum in *Esinacensius disc. 14.* & plenè deducitur in decisione.

Atque ad hujus partis fundamentum, quod de hac circumstantia constaret ex ipsa transactione, in qua transligentes fassi sunt, ac agnoverunt se per creditorem fuisse plures interpellatos pro solutione ad effectum extinguendi dictum censem, cuius interesse eorum damno cedere deberet, responderetur, quod in materia usuraria pattium confessionibus deferendum non est, sed veritas extrinsecus ac aliundē justificanda venit ex deductis per Gratian. *discept. 851. numer. 11.* & seg *Rota decisi. 69. num. 22.* & sequen. & *dec. 307. nu. 16.* & sequen. *par. 9. rec. in dicta Romana fructuum dotis 21. Aprilis 1651.* *coram Cerro confirmata 15. Ianuarii 1652.* *coram Bichio*, cum alii in decisione desuper edita, in qua præsertim consideratur, quod cum exactiones di-

ctorum fructuum seu usurarum cantent in causam fructuum dotalium, ita ob hujusmodi causam ex-⁶ pressam, ad aliam causam seu titulum referri non poterant, juxta firmata in specie *in dicta Romana fructuum dotis coram Cerro.*

Refudatio mihi pro Menochio scribenti, refleßendo etiam ad solam veritatem non placuit, non quidem ex defectu dictarum conclusionum, quas generaliter & in abstracto in suis casibus admittebam esse veras, tam circà cessantem cursum fructuum dotalium resultantem ex dispositione textus *in cap. salubriter de usuris* soluto matrimonio, etiam si filii superessent, quam circà spe- cialem justificationem, quod mora debitoris fuerit causa præcisa & immediata damni, quod creditor passus est, cum moderationibus tamen ac declarationibus, de quibus suprà in d. *Esinacensius disc. 14.* Ac etiam quod in materia usuraria solis partium confessionibus, ac solidationibus deferendum non est, juxta celebre, ac magistrale *confilium 520.* *Romanæ passim receptum*, atque in hac materia confessionis habetur frequenter *sub tit. de cambio*, occasione solidationum & confessionum circà cambiorum realitatem, ac litterarum, seu spaciiorum transmissionem.

Verum mihi videbatur fallaciam consistere circa incongruum dictarum conclusionum applicationem ad calum controversiæ, atque in non evacuatione nostrorum motivorum, dum non agebatur de simplici & voluntaria confessione, seu computorum solidatione ex privata conventione inter ipsos debitorem & creditorem sequuta, sed de confessione facta per transactionem optima fide, prævia diuturna lite, & cum auctoritate & consilio duorum Arbitrorum, qui erant eximii Jurisconsulti, in primariis etiam Magistratibus constituti, prævia etiam discussione cause coram eis per triennium, *Ac etiam quia dicta confessio aliundē adminiculata remanebat*, unde proprieat dux intrant veræ conclusiones, quibus deciso non satisfacit.

Primo, quod in omnibus personis ob tertii præjudicium seu legis fraudem confiteri prohibitis, id procedit, quando confessio est pura & simplex, probabile adminiculorum fomentum non habens, securus autem ubi est adminiculata, Ut generaliter de confessione Prælati concurrentibus adminiculis præjudicante Ecclesiæ, & tutoris præjudicante pupillo, cum similibus habetur collectum per add. ad *Barratt. dec. 453.* *Sord. dec. 107.* & 325. *Cavaler. dec. 79.* *Rojas decisi. 488.* & 489. Et in proposito dotis confessi probant nec nè veram dorem, tam in præjudicium confitentis ejusque hæredum, quam tertii, satis frequenter habetur in sua materia *sub titulo de dote.*

Et secundo, quod licet regulariter transactio non afficiat tertium jure suo & ex persona propria venientem independenter à transfigente, juxta regulam textus *in l. Imperator. ff. ad Trebell.* de qua post alios ab eo latissime collectos *Castill. 8. tom. controv. cap. 36. §. 2.* Nihilominus quoties transactio quoque prohibita non est, ut contingit in feudis utriusque Siciliæ, per Constitutionem incipientem *Constitutionem Diu memoriam*, ut advertitur *in Camerinen. castrorum sub tit. de feudis disc. 49.* vel quod ita regionis moribus & stylis receptum sit, ut in majoratibus Hispaniarum supponitur per *Castill. dict. cap. 36.* juxta opinionem, in qua præterim residet Rota & Curia, ex iis, quæ frequenter habentur *sub tit. de fidei commissis*, & sub altero *de emphytensi*, ac etiam *in dicta Camerinen. sub tit. de feudis disc. 49.* totum pender à qualitate bona vel mala

malæ fidei, itaut hodie in foro sit quæstio potius facti & applicationis, quam juris; Si enim non collusivè & mala fide ad colorandam voluntariam prohibitam alienationem sub hoc pallio, sed sincerè & bona fide, tanquam per prudentem patrem familias, transactio inita est, tunc afficit etiam tertios independentes, & ex persona propria venientes; Bonæ autem vel malæ fidei inspectio pender à probabili vel improbabili dubietate futuri eventus litis, ut ita distinguendo, ceteris antiquioribus relatis, habetur in Romana successione, de Comitibus 26. Iunii, 1647. & 26. Iunii 1648. coram Ghislerio, decis. 44. & 48. post Censal. ad Peregr. apud Celsum decis. 101. num. 3. & seqq. Romana donationis, 13. Martii, 1665. coram Bevilacqua & sepius, ut loc. cit.

Et in specialibus terminis usurarum, præsertim decursarum, itaut conventio non habeat tractum successivum, neque contineat canonizationem usurarum in futurum decurrentarum, quoties non constat transactionis vocabulum esse colorem quæsum, sive involuntariè, atque ad evitandam suffocationem, quam pro restitutione debiti pati posset, ut super eis transfigi possit, quinimò & remitti, est communis sensus Canonistarum, ac etiam Morallum, quos referunt Manic. de tacit. lib. 26. tit. 5. num. 5. Lopus de usuri, comment. 4. § 4. in principio, & comment. 5. num. 5. Surd. de alim. tit. 8. privil. 29. num. 10. & 11. Leotar. quæst. 99. num. 20. & 21. Rota decis. 38. par. 5. rec. & latius in Savonen. pecunaria, 19. Novembris, 1668. coram Albergato, §. Denique visum est, quæ decisio habetur examinata supra in eadem Savonen. disc. 12.

Est bene verum, quod DD. hanc materiam confundere videntur, promiscue usurpando vocabulum transactionis, ac illud remissionis & donationis, desiderando perinde, ut id sponte & liberè fiat, quodque creditor à principio non cogitet de humi modi donatione, cum aliis considerationibus latè deductis per Leotar. dict. quæst. 49. à num. 19. ad 34. Id enim non bene procedere viderur; Tum quia donatio seu remissio est aetus gratuitus seu voluntarius, transactio autem tanquam species rei judicata, seu divisionis & compositionis super futuro incerto eventu, dicitur potius actus necessarius & corresponditus; Tum etiam, quia ubi admixtum est interesse tertii, verificabilis quidem est casus transactionis prudenter ac bona fide factæ, ut suprà; securus autem ille remissionis & donationis, quam debitor in præjudicium aliorum creditorum, seu jus habentium, ex edicto de iis, quæ in fraudem, &c. sine dubio facere non potest.

Idemque pariter procedit in confessione aliquis qualitatibus, quæ usuras justificet, seu ab illarum restitutione excusat, dum DD. totum etiam referre videntur ad sinceram & liberam voluntatem debitoris, quæ, ubi admixtum est interesse tertii, etiam si juxta eam formam, quam ipsi desiderant, neque sufficit, ex recepto principio, quod prohibitus donare, vel remittere, est etiam prohibitus confiteri.

Quare ubi non agitur de solo præjudicio ipsius debitoris confitentis seu transigentis, ejusque heredum, seu ab eo causam habentium, sed admixtum est interesse, vel præjudicium tertii, excludendo generaliter & indefinitè terminum remissionis seu donationis, atque se restringendo ad illum transactionis, in ejus vera & stricta significatione, super rebus scilicet deductis in item, vel saltē sub timore liti cadentibus, decisio pender à dicta distinctione bona vel mala fidei, juxta supradictos terminos transactionis initæ per feudarium, em-

Card. de Luca de Uſur. & Interess.

phyteutram, fideicommissarium, beneficiatum, & similes; Et quoad confessionem, procedendum videtur cum illis terminis, quos satis frequenter in foro habemus in materia dotis confessatæ, ut pura & simplex confessio, cuius veritas aliunde adminiculata non sit, generaliter & indefinitè non probet, concurrentibus verò administris, de quorum pondere & efficacia queatur, intrat distinctio, an agatur de solo præjudicio confitentis, ejusque heredum, seu alias ab eo causam habentium ex post, vel potius de præjudicio tertii, ut primo casu minorâ & leviorâ sufficient, in altero autem majora & ponderiora, & de qua recepta distinctione habetur præsertim in Anconitanâ dotis, dec. 82. 124. & 148. par. 10. rec. & frequenter in sua materia sub tit. de dote, cum similibus; Unde propterea ista dicitur quæstio potius facti, quam juris, certam ac uniformem regulam non recipiens, sed pro iudicis prudentiarbitrio, ex singulorum casuum particularibus circumstantiis decidenda.

Et quamvis in decisione in ista causa edita §. finali, respondendo ad transactiōnem, qua bona fide inita, afficit etiam tertium, dicatur hujusmodi conclusionem procedere, quando jus tertii est accessoriū, & consequativum, magis in re, quam in spe, & tanquam per speciem successione transigentis, ut est in supra exemplificatis casibus successors in fideicommissio, feudo, emphyteusi, & similibus, de quibus terminis verè agunt auctoritates & decisiones, de quibus supra, ac aliæ apud eas; secus autem, ubi tunc tertius habebat jus coæquale ac radicatum, quoniam tunc transactio est personalis, & non afficit hunc tertium, ex auctoritate Spada conf. 31. num. 1. & 2. lib. 2. & Rota in decis. in calce eiusdem consilii impressa. quibus addi possunt ea, quæ habentur in Urbinaten. pecunaria, 13. Iunii 1668. Vicecomite, & in aliis precedentibus, coram Verrochio, post Paetell. dec. 41. 45. & 46. & de quibus in eadem Urbinaten. sub tit. de donationibus.

Atamen observabam, dictam conclusionem seu declarationem esse veram, fallaciam autem consistere in applicationem ad casum; Procedit enim, ubi jus seu interesse est radicatum, ac omnino coæquale; Ut putâ, sunt duo, vel plures possessores seu domini ejusdem haec editatis, seu fideicommissi, vel feudi, &c. tunc ubi non accedit illud legale mandatum, quod inest in communione, & per quod unus potest alterum obligare, transactio gesta per unum, non afficit alterum, atque in his terminis loquuntur dictæ auctoritates, & similes, sed isti termini incongrui sunt casui controversiæ, quoniam creditor non est dominus & possessor bonorum debitoris, minusque cum eo habet coæquale jus in administratione, quam donec illa per decoctionem interdicatur, ipse debitor habet, ipseque dicitur principalis interessatus, quem, cefante collusione, in lice, seu iudicio citare sufficit pro validitate auctorum, ut hæc afficiant ejus patrimonium, quamvis exinde ob istius diminutionem creditoribus præjudicium resulteret, quoniam hoc dicitur accessoriū & consequativum; Ut in specialibus terminis actorum judicialium, seu extra-judicialium conventionum, ac solidationum computorum, quod gesta cum principali afficiant fide. 15 jussorem, habentur plenè firmatum apud Ottob. decis 169. Et conferunt, quæ generaliter habentur in hac materia agendi cum solo eo, qui est principaliter interessatus, seu ad quem pertinet causa defensio in Converfanen. & in Tirofonen. sub tit. de juri. dict. disc. 2. & 22. Quemadmodum igitur, si iste creditor coram arbitris, aut alio iudice prosecutus esset

H causam,

causam, & obtinuerit sententiam transactam in iudicatum exequutioni demandandam, non dubitaretur, data illius justitia & validitate, eam afficere principalis condemnati creditores posteriores, admittendos solum ad allegandam collusionem vel injusticiam, non autem nullitatem, ex eo, quod ipsi evocati non essent; Ita pariter in transactione, qua species rei iudicata dicitur, ejusque jure censenda est; Id etiam ad evidentiā comprobante, tam communī usū, quam necessitate commercii, quoniam aliās nunquam solidationes computorum, ac litium compositiones fieri possent, dum impossibile est certificari, an quis habeat creditores, necne ideoque sufficere debet, quod sit in statu integro, atque liberam habeat suorum bonorum administrationem.

Igitur totum pender ex facto, ejusque circumstantiis, ex quibus, prudenter iudicis arbitrio videntur est, an id sincere, vel bona fide initum sit, vel contra; In hac autem facti specie mihi videbatur, claram esse bonam fidem, ac sinceritatem, dum id non ex sola privata partium conventione sequutum fuerat, sed ex opera & consilio qualificatorum & sapientum arbitrorum, coram quibus per triennium causa ventilata erat, atque ob difficultates non determinata, quod in specie concordia inita de consilio & opera aliquicis Auditoris Rotæ, vel alterius qualificata personæ, advertitur in supra allegata *Romanas successione, de Comitibus, coram Ghislerio, & in Romanadonationis, coram Bevilaguë & similibus.*

De probabili autem ratione dubitandi, seu probabili prætensione creditoris, clarè quoque constare videbatur, dum aderat primordium veritatis, quod ipse scilicet creditor gravatus esset censu passivo, quo solverat fructus ad eamdem rationem, & sic aderat interesse damni emergentis; Nil obstante, quod juxta opinionem, quam sequitur Rota & Curia, id solum non sufficit, nisi etiam concurrat interpellatio, seu alia certa destinatio, per quam constet, moram debitoris fuisse causam proximam & immediatam damni, juxta firmata in hujus cause decisione; Quoniam lis non agebatur in Curia Romana, sed in Civitate Mediolani, seu Papien. atque inter laicos, ideoque videndum est, qua opinio ibi teneretur, præsertim per Judices, & an eius magis placet opini Ruini, quam in puncto juris probabiliorem esse credit, *dottissimus Leovar. qu. 75. nmm. 10. & seqq.* prout neque absolutum est soluto matrimonio, ubi præsertim supersunt filii, frumentos non deberi, quoniam plerique tenent contrarium, & in aliquibus partibus haec opinio est recepta, ut in Arianen. & in aliis, sub tit. de dose. Igitur procedendum non est cum opinione Rotæ & Curie, sed cum illis loci, in quo litigabatur, ut advertitur in *Neapol. hared. sub tit. de fidei.*

17 Ad substanientiam enim transactionem, non attenditur tempus, vel locus litis, qua agitur de præsenti, & qua opiniones nunce teneantur, sed quid teneretur de tempore, quo inita est, ut advertitur apud *Osthub. dec. 25. nnu. 12. cum seqq. Imol. prædis 6. Junii. 1653. Albergato Calagur. decimalum Saneti Ascensi. 3 Junii 1661. Cerro & in aliis.*

Ei nihilominus ubi etiam dicta altera opinio tenuenda esset, opus non est, quod de interpellatione corister judicialiter, seu sub certa forma, cum etiam præsumpta & admittendativa sufficiat, ut habetur *dec. 153. par. 4. rec. tom. 2.* Quodque illa interveniunt, non solum justificabatur ex agnitione facta in ipsa transactione, sed etiam ex verisimilitudine, quod si illicet creditor patiens debitum usurarium,

id alia tamdiu non permissem, dum ita poterat se liberare, ac etiam stante observantia praecedentis interpellationis, usque ab anno 1641. quodque arbitrii, viri probi & integri, coram quibus causa per triennium ventilata erat, non permissem hujusmodi mendacem, ac fraudulentam assertionem fieri, nisi constitisset de hac veritate, qua etiam extrajudicialiter eis innoscere poterat, dum praecita tela judicia, ligari non erant in procedendo; Accedente etiam cessatione causa simulandi, ac in verisimilitudine, quod debitores ita suum jaicare voluerint cum penitus extraneo, qua omnia insimil & unitim considerata, cum constituta regula, ut singula que non profund, &c. hanc veritatem minimum in claris ponere videbantur.

R O M A N A
S P O N S I O N I S ,
P R O
M A U R I T I O ,
C U M
H Ä R E D I B U S J U L I I .

*Casus disputatus coram A. C. & in
Signatura postea concordatus.*

An dicatur usurarius contractus, per quem datur bona, sub obligatione solvendi eorum valorem in duplo, seu alias excessivè, quando emptor uxorem duxerit, seu aliquam dignitatem obtinuerit, quodque aliā ad nihil teneatur; Et quantum contractus non sit usurarius; An & quando ex alia ratione sit infectus, & prohibitus; Et generaliter de materia sponsonum.

S U M M A R I U M .

- 1 *Facti series.*
- 2 *De validitate contractus, per quem res cariori pretio solvi debeat, vel summa data cum excessu restituī pro quanto emptor, vel mutuarius uxorem duxerit.*
- 3 *Distinguuntur inspectiones.*
- 4 *Cum quibus terminis Morales tractent hanc materiam.*
- 5 *Impugnatur haec via, & de invalida conventione lucriratione periculi, ad terminos text. cap. naviganti, & incidenter de societate officii.*
- 6 *Quod veri & propriis termini istius contractus sint illi sponsoriis.*
- 7 *Quando talis contractus sit licitus, vel illicitus.*
- 8 *Etiam accidentibus conditionibus illicitus, ac insufficientibus actum, non tamen contractus discitur usurarius.*
- 9 *De invaliditate conditionis inducentis viduatem, sive impedientis libertatem matrimonii.*
- 10 *Declaratur, quando id procedit, & de ratione, ob quam sponsorio sub conditione futuri matrimonii fulfinetur.*
- 11 *De lesione, ob quam iste contractus inficitur.*
- 12 *De circumstantiis, ex quibus resultat lesio.*
- 13 *De circumstantiis aratis & imprudentia.*
- 14 *Quomodo hic contractus debeat moderari.*

DISC.